

KING DEALS ARE BACK!
5 MENU OPTIONS

ONLY Afl 6.95
Incl. small soft & fries

KING DOUBLE

CHEESE BURGER
CHICKEN TENDERS-6PC
CHICK'N CRISP DELUXE
WHOPPER® JR.

BURGER KING
BURGER KING ARUBA

NV Elmar lo tin un otro fuente di energia

Solar Park di Aeropuerto ta e prome proyecto di e magnitud asina grandi den nos region



ORANJESTAD (AAN): E construccion di e solar panel park na aeropuerto Reina Beatrix lo ta un 'milestone' hopi importante pa Aruba. E anuncio aki tin di haber cu e construccion di e parkeerplaats alternativo cu mester sosode prome cu e instalacion di e actual solar panelnan.

Planificacion pa construi un solar park di magnitud aki ta un reto hopi grandi y ta un proceso complica. E parkeerplaats ta un area importante pa aeropuerto y su bishitantenan y pesey ta importante cu e construccion di e solar park lo tin un impacto minimo riba uso di e area aki. Pa e motibo aki a inicia un parkeerplaats alternativo pa e trahadornan di aeropuerto y lo cuminsa construi e solar park den fase.

Pa N.V. Elmar esaki ta un proyecto cu hopi reto, segun Ing. Robert Henriquez, direc-

tor di e compania di utilidad ta menciona cu "E ta algo nobo, innovativo y di cual nan ta orguyoso di dje". Segun Sr. Robert Henriquez, ta importante pa pone focus riba e resultado final cual ta un parkeerplaats cu un afdak completamente di panel solar dilanti di un aeropuerto cu ta hopi bishita pa miyones di turista. "Esaki ta un señal bon cla cu nos ta moviendo den e direccion corecto. Un direccion cu ta refleha sostenibilidad".

Sr. Robert Henriquez a gradici Aruba Airport Authority N.V. pa su cooperacion. Tambe el a yama danki na e contratista, e empleadonan di N.V. Elmar mes cu ta envolvi den e bunita proyecto aki.

No por keda sin accentua e importancia di e poder di solo den e iniciativa aki. Nos solo ta e futuro pa loke ta trata energia alternativo. Un ora di solo riba superficie di mundo ta duna su-

ficiente energia pa cumpli cu e demanda total di henter mundo pa un año largo. Lo ta un eror masha grandi pa Aruba no hazi uzo di e recurso aki cu nos ta bendiciona cune.

Si ta tene cuenta cu e desaroynan den e ultimo 15 añanan caminda prijs di azeta a aumenta cu 800% y cu e pronosticonan ta indica cu e añanan nos dilanti e ta bay aumenta cu 200% pa 500% mas ainda. Esey sin duda lo refleha den e costo di bida na Aruba y lo ta un reto pa mira con un pais chikito memey di e paisnan grandi lo por sali afo pa cumpli cu e demanda di energia.



E proyecto aki ta masha grandi, un total di 3.6 Megawatt, 24 mil meter cuadra caminda ta papia di 7 miyon kilowatt/uur. Esaki ta e prome proyecto asina grandi den region y p'esey

mester ta orguyoso di dje. Den region, Aruba ta para como number un di calidad di producto pa loke ta awa y electricidad y tambe number un pa calidad di suministro.